第五章 考證與著述…	第四章 知人	第三章 辨講	第二章 博採	
	知人······	辨譌		
			九	
三八		一入	九	

自絲

第十章	第九章	第八章	第七章	第六章
結論九五	著作八〇	編比六七	断事五七	明義四七

第一章 緒論

墨之所不可得而拘賴例之所不可得而泥而後微茫杪忽之際有以獨斷於一心及其書之成也自然可以參天地而 **枫**紀天人推明大道所以通古今之變而成一家之音者必有詳人之所略異人之所同重人之所輕而忽人之所蠶繩 「史之大原本平春秋春秋之荒暗乎無削筆削之義不僅事具始末文成規矩已也以夫子義則竊取之皆觀之固時

質鬼神契前修而俟後聖此家學之所以可貴也」——章學誠

暫之斷定及編排終之以專門之著作而更家之能事乃畢蒐羅史料欲其博考證史料欲其精晰 史學研究法者轉求歷史眞理之方法也言其步驟則先之以史料之蒐羅及考證次之以事

第一章 錯論

其嚴編比事實欲其整然後筆之於書出以問世其爲法也似簡而實繁似難而實易者

也。 茲 |書所述儀其大凡一隅反三則在讀者之自有會心矣。

歷史所研究者蓋已往人羣之活動也人羣活動之方面大體有五即經濟政治教育美術宗,

教是也然歷史所述者非人羣各種活動之靜止狀態也乃其變化之情形也史家所致意者,。 即此

種姿前絕後之變化也非重複之事實也故歷史者研究人奉活動特異演化之學也卽人類特異

生活之紀載也夫人類之特異生活日新月異變化無窮故凡屬前書往行奠不此往彼來新陳代生活之紀載也。

謝此歷史上所以不能有所謂定律也蓋定律以通概爲本通概以重複爲基已往人事既無復現。

之情古今狀況又無一轍之理通概難施何來定律乎。

自現代自然科學及社會學發達以來史學一門頗受影響世之習史者不諳史學之性質及

其 쥞 |難妄欲以自然科學之方法施諸史學以求人華活動之因果或欲以社會學之方法施諸史。

學以求人羣活動之常規其言似是其理實非茲特辭而闢之以免以訛傳訛。

所涵之實質愈少至物理學中之相對論幾可統括萬象故其中所存之實質排除殆盡其爲物也, 實質抱一種通概之眼光研究而組織之以求得因果定律爲止境吾人之應用普通名詞即 種概念之見端如男女也草木也衣服也凡所表示皆具有共同之特點者也通槪所包愈廣, 自然科學與史學雖同以實質為根據然兩方研究時之觀察點絕不相同自 然科學家之於

則

其

爲此

如 軔。 召 加 · 堯舜如禹湯凡此諸名非表諸人之所同乃表諸人之互異史家對於已往之事跡亦復 陵之盟如城濮之戰。 至於歷史之實質則純以求異之眼光研究而組織之人類之始有專名即爲此 其所致意者乃召陵城濮二役也非古今所有之盟與戰 他此自然科學 種概念之發 如斯。

瀰漫於宇宙萬有之中不復有古今中外之別此即用自然科學方法研究實質所得之結果也。

之觀察點與史學 不同之大概 也。

冀即屬謬誤時地無考如亡史性與自然科學之專究一般知識不限古今中外者不同此其三歷 廣狹至爲不一大者關係全民族久者延長數百年小至一人之書行細至偶然之軼事與自然科 史所獨有與自然科學家在多種實物中專究某一種單純原質者不同此其一歷史事實之範圍, 常凡前代之書法文章習慣事情等均可在同一種史料中求得之此種一事多質之特點實爲歷 **史事實有實有虛可信可疑一** 學之自繁至簡自異至同其進程有一定之塗徑者不同此其二麼史事實有一定之時地時地失 再就 騰史事實之性質而論亦與自然科學逈然不同同一歷史事實其所表之性質複雜異 成難變 虛者無法變實信者無法使疑稍有疏撲即遠史法與自然

現象旣有一定之原因在同樣狀況中必能產出一定之結果屢加試驗旣得其與故凡遇有某種 再就方法而論亦復兩不相同自然科學之定律純自觀察與實驗而來務使所有自然界之

科學之概以求眞為止境者不同此其四。

所 同, 原 之中求其全部之其相與自然科學家之常能目睹事變而再三實驗之者與有天淵之別, 以生死人而肉白骨使之重演已往之火事則斷然也前言往行決不重覆史家祗能於事實 之輕妄豈侍煩言總之史家所根據之史料斷不能應用實驗工夫史家才學雖極高 因卽能預斷其有某種結果然學者須知此種預言絕無史性科學定律所能預斷者乃實質之 而非實質之特異世之一知半解之徒強以歷史爲明白因 果之學其見解之南淺及其立 博 終無 也。 力可

層主 之印像而非活動之實情其三為動機與觀念其類凡三一係撰人自身所表出者一係撰人代他 故史家所見皆非本真蓋僅心靈上之一種印像而已其二為人羣活動史家所知者亦僅屬 人表出者一係吾人以己意忖度而得之者凡此皆由臆度而來非直接觀察可得故史之為學純人表出者, 觀別 再就 史料所供給之消息而論大體可分三類其一為人與物人死不能再生物毀不可復得。 無疑義世之以自然科學親史學者觀此亦可以自反矣。 主觀

想像往事每以一己之經驗爲型或以己度人或以今例古史事多誤此爲主因大抵礼

ታ

會科學中抽象事實之觀念每晦而不明學者所用之名詞亦每泛而不確所謂史料卽無形事實

之難以言語形容者也史家想像稍流虛幻事實必即失真此研究歷史者當應用推想工夫時, 肵

以不可不慎之又慎也。

究結果亦復逈然有別史家抉擇事實旨在求異所取方法重在溯源其結果非人 至於史學與社會學難同以已往之人羣事跡爲研究之根據然目的方法既然各不相 简。 妍

(類共)

同

演

化之

原 理, 乃人類複雜演化之渾淪至於社會學所致意者乃已往人羣事跡之所同參互推 **水糖以發**

見駕馭人羣活動之通則選擇事實務求其同不求其異所得結果非人類演化之渾淪, 乃 人 奉活

動之定律故社會學爲研究社會之自然科學其所取方法與史學異, 而與自然科學同。 總之史學

所重者在質社會學所重者在量史學所求者爲住跡之異社會學所求者爲往跡之同兩者功用,

足以和貧而流別分明不能相混此學者所宜明辨者也。

唯 所謂科學乃有條理之智識之謂史學之觀察點及方法雖與其他科學不同然其爲有條

他科學為不備終不失其為科學之一種也。

理之智識則初無二致而史學之志切求其,

亦正與其他科學之精神無異故史學本身雖

遊較

1

亡故歷史之生命實與人類社會同实長久此歷史知識之所以可貴者一也吾人為社會組織。 之一人而社會又爲已往生活之產品吾人如欲有所供獻於所處之社會則不特對於當代狀況, 不亞於研究自然之科學人類自有韓衆生活以來卽有歷史之存在歷史之銷滅必俟社會之論 僅有自然科學不足以盡人類之知識也必並須騰史知識以補充之故歷史知識之重要初 1/1

迹方有決解之方博古通今意即在此此歷史知識之所以可貴者二也至於學問之道不徒在獲 應有真知 即對於前代情形亦應洞曉視現代社會上之問題為人類演化中之部分深悉演化陳

第一章 计精输

識者專也而研究方法者器必含器而求事者猶舍秫黍而求旨酒也可謂不務其本而齊其末者 得與理之知識而已而且在於明了探討與理之方法語云『工欲善其事必先利其器』歷史知

也世之有意於歷史之硏究者其可不以歷史硏究法爲入手之塗徑哉。

٨

第二十年 博採

[孟子曰 【博學而詳說之將以反說約也」 然則欲多聞者非以遑博也欲錄五考盯而歸於一是耳若徒遠其博而

不知所揮則雖恭讓五車獨國四庫反不如孤騎寡聞者之尚無大失也』——崔述

思想行爲之遺跡也前人思想行爲之留有遺跡者蓋寡而遺跡之能千古不磨者尤寡古籍之因 古人記言與記事之文奠不有本成審必有所辯則蒐羅史料之爲道尚矣所謂史料乃前人

天災人事而致於滅絕者不知其若干也無遺跡即無歷史過去事實之因無遺跡而失傳者何可

第二章 関採

h

勝道 哉。 史料 為 物, 可分兩類一屬原始一 屬華生原始史料或係實物或係古書出譜。 親見親

贈道 心聽途說。 孳生史料或因製他 曹成 取材 ß, 籍非出目 **路得諸傳** 聞。 集前 人之大成為 著作 聞不

業。 此 原 始史料與孳生史料之大較也。

近

真為尙史料以原始為佳 自古 至今年凐代遠原始史料大都 不傳故研究過去人羣不得不惟孳生史料 是賴。 夫 史事

生史料之不可特或且有甚於此唯孳生史料之精者亦正可備! 以 蓋事實因屢傳而失其史料 以勦襲而 研究歷史者之要删。 傳鑽市人 (成虎) 曾參殺 試 喜共 Ā, 利, 蓔 蓬

有四 端名家援引舊文每標所出古 青鎚 逸屋略猶存讀者靜此得知 原始 史料之大凡窺見蒐羅

皮料 之門徑此孳生史料能示後人以取材之地 其利一也名家採用史料 必加考證 功 大司馬光

通鑑之成先之以考異之作纂錄往跡深具苦心後人於開卷之餘事 事可以信 賴。 華生史料

省後 人考證工夫其利二也名家斷定事實煞費經營考定是非必明其故後人引用之際可 以無

事猜 工。斯 源流。 陰亦且未明近世科學進步之狀況蓋學術之道雖不能青出於藍總期能日積月累著述之士正 傳久亦且徒耗精 **當賴前人之所斷始前人之所終方可冀日進光明生生不已學者果明乎此必恍然於欲事逃作** 必當以津 ·疑此孳生史科能為後人斷定往專其利三也名家論定成籍必具心裁別識具詳始末。 , 逃往專之與情備後人之參考此孳生史料能省後人編著工夫其利四也。 前人名著雖屬華生陶冶成家有如上述後人如棄而不用自下工夫此不特徒費可惜之光, 羅 更料, |速後世 也不然『紀次無法詳略失中文采不明事實零落』(會公亮進新唐書表)登特不能 **有賴目錄工夫『目錄之學學中第一緊要事必從此問 "神至悲** 為宗學業有成必求其足以于古使後人享一勞永逸之利不必費另起爐灶之 無俾於史學之進步更無待謂矣。

洞悉

事非苦學精究質之良師未易明也』(王鵬盛十七史商権卷一)蓋古代史料散漫異常两爪東 | 塗方能得 其門而 入。 然此

著錄從文者本名文而著錄從質者有書本全顧爲人偏舉者有書本偏而爲人全稱者』(章學誠 女史通義繁稱) 羅不易卽或已經著錄亦不免發逸不全歲月久長無從稽考且世之費目又「有本名質而 學者雖欲卽類求書已極困難追論屬書號學子。

史料, 漏离後人著作之得能超過前人即在其材料之較備前人名著之所以價值漸減即原於取材之 史為徵實之學放史料蒐集尤貴館賅偏無遺蓋『觀天下書未徧不得妄下雌黃或彼以爲非此史為徵實之學放史料蒐集尤貴館賅偏無遺蓋『觀天下書未徧不得妄下雌黃或彼以爲非此 知或雖知之而無法羅致種種因難何可勝言然『蒐羅益廣則研討愈精』, 成 以爲是或本同末異或兩文皆欠不可偏信一隅也」(顏氏家訓勉學)若或採取稍疏必致掛以爲是或本同末異或兩文皆欠不可偏信一隅也」(顏氏家訓勉學)若或採取稍疏必致掛 (書或『逸在名山未登柱史』學者雖蒐羅有意而入手無門故原始史料或有其物而學者不)。 不盡皆愚著作之林尚有遺物之類欲求目錄每不可能其屬於著作者亦有本係 且蒐羅孳生史料固可純賴目錄工夫而轉求原始史料則僅專目錄之學當然不足蓋原始 此學問之通義也歷 手蹟 未印

該得失之間不能容髮故博蒐史料之功實研究歷史最要之義

方者不, 仍復一 城之紀載凡此 何 不全至於各書編制 木 初無專著學者荷思長城之樂所以拒胡則史記匈奴傳中或有可用史料機思戰國之世地 傳, **處**。 往 亦 **小僅一秦則**熊均 當鄉 往毫無線 者蒐羅史料欲求詳盡無遺必常富有會心並能耐煩耐苦古代與籍雖或有總目然往往 無所 Ų, 得欲求事半功倍 觀調。 索, 或更展讀漢書地 類皆僅有篇章命題不附全書索引欲知某事材料述在何 類旁通之功之簡 趙世家亦須翻閱又思蒙恬威震匈奴功業彪炳史册則秦始皇本紀及蒙恬 必須翻閱全書費力費時可謂不少茍有寸進尚不徒然而有時苦下工夫 **貴能觸類旁通此蒐羅史料之所以費有會心也如研究吾國長城,** 璭 而易 志及後漢書郡國志中之北方諸郡以採其有 明者也而專實上之困難或且十倍於此了 毡。 **齊既得其審** 無偶 學問

博探

之道即景多所

食心。

此為學者最樂之事亦卽最難之事也然會心有得尙須

加

細心

| 觀誦之功:

文章

及長

處

北

紦

有時雖 -目輪火燥屑石山壓。亦不盡有得心應手之樂偶不經意即有失之交臂之處此學者 耐苦也大抵學問途徑極為崎嶇不其犧牲精神難望登条造極畏難苟安之輩,

周不能望學業之有成 矣。 所以

拃

貴

能

耐煩

當 翻 閱古籍之際必動事筆記之功讀書練識之方以此爲最不然隨得隨失無異走爲看花。

妙輅 無窮皆似雨珠入海至於筆記之性質及方法如何當詳史事斷定章茲不先贅也。

如 敋 用得其宜不可不知史家分別史料之理由及史料種類之大較蓋學者欲斷定史料價值 史料 所敘述者人羣之活動也人羣活動繁複異常故史料種類之多亦正與之相等然學者 之

報 髙下必須先印史料之種類爲何否則頭緒茫然優劣莫辨世之作者或將名著與雜記齊觀或將 紙 與公文並 | 列溫湿莫辨涇渭混淆方且自以爲博通不知徒顯其淺陋史料之必須分類學者

之必須明曉史料之種類其理由即在於此。

中四

原始史料大體可分為二類一日遺物一曰傳說遺物為人藝活動之產品由人類之目常需

者須知此類史料乃人藝活動之結果非人摹活動之本身其目的在於應付人生之日常需要不 要而發生此類史料至為複雜或小如裝飾之瑣碎或大如建築之巍峨名物之繁不遑枚舉唯學

在以古人消息傳遞後人學者欲加詮釋藉以推知前人之活動其為學極難而結果之是否有成

亦每不可必。

時又可視爲西漢傳來之遺物然傳說之所以異於遺物在其涵有人學活動之印象事實發生有 至於 傳說一類之史料有時間亦可視爲遺物如史記一書本屬紀載吾國古史之傳說然問

人見之紀其印象輸遣後人此即傳說之由來也。

傳史料往往經 保存 傳說方法有三傳之於日者謂之日傳筆之於舊者謂之筆傳聞之以形者謂之數傳。 時飲久必能筆之於書故傳說之中大體以筆傳與畫傳二種爲主而尤以筆傳者, П

第二章 博採

稱 多。

Æ 遺物中吾人所見者爲古代之實物在傳說中吾人所見者非活動之本身乃撰人對於某

接自撰人得來故引用傳說之時必須深知撰人之性格如何然後可定其所述事實之價值 事之印象學者利用傳說之際須知吾人與往事之間另有撰人爲中介吾人所得往事之知識, 也。

論其 傳之有失其本意者矣是以三傳皆傳春秋而其事或互異此傳聞異嗣之故也古者書皆竹簡 於口者則或記憶失真或傳聞致誤『一人之事兩人分言之有不能悉符者矣』人之言數人遞 價值均屬相等然筆之於齊者大體一成不變不致受記憶强弱之影響而失其眞至於傳之價值, 至於傳說之價值與其表示之形式有關凡屬親兒親開之事實無論傳之於口或筆之於書,

不能盡有也。 記憶失興之故也』(崔述考信錄提要)故口傳史料在往遞傳遞久全失本眞或以有爲無或以記憶失興之故也。 丽 亦難於攜帶篡書之時無從尋覓而翻閱也是以史記錄左傳文往往與本文異。

無為有或以先為後或以後為先日月顛倒上下翻覆其無當於史學也明甚此口傳傳說所以遠

不如筆傳者之爲可恃也。 傳史料相同唯證傳之中介或屬金石或屬布帛非撰人具有特別技術不爲功故成事遠較筆傳傳史料相同唯證傳之中介或屬金石或屬布帛非撰人具有特別技術不爲功故成事遠較筆傳 為不易且圖畫肖像質能逼真故畫傳史料必須較筆傳者為備畫傳史料因中介特異易於失異 至於證傅史料之價值適介於筆傳口傳之間畫傳印象一成不變此其可以傳世行遠與筆

之故其致誤機會遂亦較筆傳者尤多方今攝影之法日新月異畫傳史料之價值較為日增加不

歷史研究法

辨認

開並語知書不可信用失附與之實自可無智能之情尚可定題文監察是非易見額統施 『他信燈奏之音』公賦於竹吊主者皆得賢所得能不然之事故信用是之諷而觀之睹。

第其本末。 辨其與同分別其事之權實而去取之難不爲古人之曹諱其誤亦不重爲古人 『今篇考俗級不敢以裁於戰關為漢之書者想信以爲實家不敢以東漢魏晉**諸僧之**斯· #也□──王充

歷史以史料為根系史料為往事之遺跡世間明白事實與相之道厥有

為問接研究專覧之遺跡史事為物皆屬前言往行曇花一現稍縱即遊欲施觀察其道無由故

歷史非觀察之科學歷史知識乃間接之知識。

史家所能觀察者往事之遺跡而已往事之眞相唯有根據遺跡而推想其彷彿故研究歷史,

以史料為權與以事實為終點自本至末純特推想工夫推想之際易滋錯誤失之毫簽罄以千里。

學者於此宜愼之又愼焉懸史硏究之所以遠遜自然科學硏究法其理卽在於此而史家求眞之

道舍此又別無他途也。

學者每以為史料所載即係事質此大談也史料所涵非事實也蓋事實之紀載也事實爲實

有之異情而 紀載 之暗合方得謂信而有徵然欲用各種更料中之組載以斷定事實必先佔定各種更料本 紀載則為撰入所得事質印象之紀錄信筆描述不盡近真故事實本真必有兩 |種以

身之價值,)[: 朔白 各種更料間之關係以便決定其是否互相射變或係不約而 闹。

第三章 辨蹈

캋

有進步之希望。 妄矣』(王鳴盛十七史商權序)故研究歷史必加考證工夫而後著作方有價值之可言史學方。 **善不如多酸物欲讀書必先精校書校之未精而邀讀恐讀亦多誤矣讀之不勤而輕著恐著亦多** 《無功急進之士或不願為此然學問之道重在心得若徒博而寡要何如寸有所。 歷史著作之得以不朽端賴詳盡之蒐羅與考證之估價此種功力費時甚鉅或所得 泛透蓋 2有限或 好著

後考瞪之能事方盡茲請先言辯僞之道。 諸目睹或得自耳閉均應追求如係得自傳聞別來自何**處**此種史料價值如何均當詳加探討而 料之或與或偽或正或誤應加辨明其次撰人爲誰著作於何時何地均須明悉再所述事實或得料之或與或偽或正或誤應加辨明其次撰人爲誰著作於何時何地均須明悉再所述事實或得 史料估值問題在於研究撰入與其所述事實之關係言其內容可分析爲下列諸點第一史

造偽書者古今代出其人故偽書滋多於世學者於此眞偽莫辨而尚可謂之讀書乎是必造偽書者

而明辨之此讀書第一義也》(姚際恆方今僞書考序)故史料研究當以辨僞爲先蓋僞造古 世 間 常事。 非平心考核英得其真。

取

足亂與賞鑑名家亦受歎問。 史料之中所在多為古物有偽造古書有偽造古畫有偽造即口傳傳說亦有偽造偽造史料

史記 亦其 春秋有春秋之文戰國秦漢以迄魏晉亦各有其文焉然但其文然也其行事亦多有不相類者是 他人手 書有後. 往往述元成間事劉向 蓋偽託· 欲辨原本之異僞, **曹亦非易事長篇文字尤不可能至於印版之書則辨偽之道端賴察其內容文章及** 人之所作而妄入之其中者耶其次爲文章蓋『唐虞有唐虞之文三代有三代之文。 古人之書每紀後代之事偽造之跡每 較為輕易先察紙張再察書法居今日而偽造數百年前之資紙勢所不能。 [西漢人也] 而分列女傳有東漢人在焉謂此二子者有前知之術乎抑 流露於字裏行間司馬遷漢武帝時人也而今

か三章・券湾

古今不乏其例然各代有各代之程式偽造者多不經心不難一覽可辨。 知也』(崔述考信錄提耍) 至於書中見解之是否質澈是否矛盾均可艱誦得之公牘之僞造者, 日所聞所見皆如是智以爲常而不自覺則必有自呈露於忽不經意之時者少留心以察之甚爲 曹春秋之文而或不免雜秦漢之語偽尚書極力摹唐漢三代之文而終不能脫晉之氣無他其平 故戰國之人稱述三代之事戰國之風氣也秦漢之人稱述春秋之事秦漢之語言也史記直錄尚

有特性及特見之人則涇渭分明辨別極易若全書皆平淡無奇則誰屬原本誰係妄增每致無從 以上皆指古書之全偽者而言此外亦有一部分偽造者即竄飢與增補是也如偽造者係具

松融付之闕疑。

辨偽之道既如上述矣茲再進逃正誤之方方今印刷之術可稱完備異常然出版之書尙復 總之古書眞偽有易辨者亦有難辨者有時感代紛爭終不能得其一是者蓋亦常有之事矣。 第三章 辨論

易篆 繆誤百出: 卌 所傳古書不特亥豕魯魚所在 101 隸, 近者 相傳寫豈能一一 如此遠奢可 知單就再開而 之不失獎。(崔述考信錄提要)西洋古籍亦復如此或加甚焉故。 多 <u>有</u>。 ini 且以說傳訛稽考為難夫史貴憑藉史料實爲權與根 論古全相去既遠。言語不同名物各異凡易竹而紙。

本既非最可復言著述此訂正醫誤工夫之所以尚也。

肵 記序 À, 疑輒就增損流遯忘返穢濫實多」(顏師古前漢書敍例)無意之誤每原於傳寫者之邊不經, 顧 大抵原稿誤少傳寫誤多致誤原因不一而足「或有意妄更或無意識脫」(毛詩 有意之誤每出於傳寫者之人用其私蓋『古今異言方俗殊語末學屬受或末 炎武 **孤中隨筆抄曹八弊一番手麗率捲腦折角二掛片蠅矢垢汙三衆手傳接揉熟紙本**。 能通。 盐硫 意有 校勘

四, 挪 圏加 淵 怎 不收。 |勾八黏補錯字扯用賽角片紙) 出於故意者不特校勘為歸而且發見不易蓋『據臆故之, 五分手抄騰拆釘散亂六抄寫有誤憑被對出反將原稿樂改七欲記趣止旣將原稿,

二十三

則文益晦義益舛而傳之後日難有善讀者亦茫然無可尋求矣』(顧炎武日知錄卷十八勘書)

出於偶然者「脫文誤句往往有之」遂至謬誤相承無從釐正唯字體混亂前後顚倒二字合一,

字二分等錯誤每可補直復原學者試讀二十二史卷末之考證十三經注疏之校勘記王念孫

之讀書雜志王鳴盛之十七史商權雙大斯之廿二史考異即可知正誤工夫之一斑焉。

今傳古籍往往原本久佚翻版甚多常人態於考證之業在於求得原型遂以爲版本較初必

值之準則『近世淺學之士動謂秦漢之書近古其言皆有所據見有駁其失者必獲臂而爭之此 然可恃殊不知後代版本披刊群定每較古本為佳學者脈應問版本如何不應以時代後先爲估

無他但詢其名而實未幣多觀察漢之書故妄爲是實耳』(崔述考信錄提要)亦有以版本相同

之數較多者必較少者爲可信,其實亦不盡然如係因難之實則千篇一律實出一手價值高下決

不能以此為衡。

研究之道貴能審知各書之關係大抵錯誤相同之書非同出一源即互相翻刊蓋獨立版本

決無錯誤相同之理也學者選此宜擯棄不顧以省時間雷同之本旣盡力排除獨立之書乃昭然

在目於是進而求各版之世系以便求諸暋公共之原型如各傳大致相同即可視爲有用之史籍。

如各書猶復彼此互異則唯有賴推想工夫矣。

當个可信此料零若晨星考證工夫份須努力學者果能以考證所得論進後人則爲專雖微,

其功甚大此今日世界各國之學術團體所以多致力於此端也唯茲事體大非旦夕可冀故進步。

不免遲緩耳。

第四章 知人

「不知古人之世不可妄論古人文辭也知其世矣不知古人之身處亦不可以遽論其文也身之所建固有樂學驟顧

超钟遊樂之不齊而舊之有所爲而曹者雖有子不知失子之所謂況生于古以後乎』---- 常學誠

填而不誤然與其所述事實之價值無關妄人著作滿紙觀言手筆雖真何裨史學故採用史料知 考證史料不僅辨其獎僞正其訛製而巳並當進而知撰人之爲誰及其著作之時地史料雖

人為先蓋史料所紀之價值以史料本質撰人性格及著作時地為標準此知人之道之所以可費

也。

撰人為吾人明了事實本真之中介中介愈佳紀載愈確知人之道可分兩端先沒姓氏再探

性格常人每輕信書中所著之名氏此實人 類最難改正之陋習古今淺舉之士苟欲拿其所

欺當世莫不假託名人藉增聲價或署名他籍旨在流芳如『漢人好以自作之書, 而託 2.為古人。

篇百二尚書衞宏詩序之類是也晉以下人則有以他人之書而竊爲已作郭象莊子注: 書之類是 也若有明一 代之人其所著 書無非竊盜而已』(顧炎武日知錄卷十八稱書) 何法 盛賃

中與

紀 。載價值之高下以撰人之性格為衡故深悉撰人之性格爲考證史料之要旨蓋『 才有牌

屬氣有剛柔學有淺深習有雅鄭」莫不其異如 面各師成心若僅知撰人之名字而不 知撰人之

爲人則所紀事實之價值 如何仍無估定之標準。

今傳古籍或失撰人名氏或僅有名氏而無從知其為人則吾人唯有誦其全書以想見其風

戴四章 知人

二十八

事具 格。 随 有日 時留意其天稟學識地位成見誠僞文才等之如何如清康要錄不著撰人名氏今觀其書記 ;月戴文俱有首尾决非草野之士不睹國史日歷者所能作。 (四庫全書總目提要史部

編年類)又如兩朝網目備要不著撰人名氏觀其載嘉定十四年六月乙亥與莒補秉義郎其目編年類)又如兩朝網目備要不著撰人名氏觀其載嘉定十四年六月乙亥與莒補秉義郎其目

國緣始多敵國傳聞之詞或宋末山林之士不諳體例者所作與(同上)凡此諸例可明知人之道 云即理宗皇帝考宋代條制舊名亦諱此乃直斥不避似乎元人然其書內宋而外元又敍元代得

之極概。

然傼 |知史料之本質及撰人之性格尚不足以爲估定著述價值之根據也蓋事實之經 過與

事實之紀述每相隔甚久不盡同時時間相去愈長紀載愈難徵信此蓋純屬記憶力

上問

題。

事實

經過愈久記憶之力愈弱而所述事實亦愈不可特專特記憶之士雖極其減信亦每不能自審其

所述者之是否近真故著作時間實考證工夫上之一重要問題也。

如 史料上不標著作之時日或撰人不言其著作之時日吾人唯有讀其著作而定其

大體可以斷定如成憲錄不著撰人名氏記明太祖至英宗五朝之事考明太宗廟號至嘉靖十七 事發生於著作之後也此後來一事之時日卽所謂著作後之時日也兩端旣定則著作之在三事發生於著作之後也此後來一事之時日卽所謂著作後之時日也兩端旣定則著作之在三 紀既皆屬某一類事實則凡屬相類者尚有見聞必加錄錄令僅記其前者而不及後者, 著作後之時日所謂著作後之時日即撰人紀述終止後某一詞類重要事質之時日蓋 後一事之時日不盡與著作之時日相同或有事隔數年或數十年而後着筆者故 爲著作前之時日一爲著作後之時日著作之時日必介此兩者之間釀其全 事之時日即為著作前之時日然僅知著作前之時日尚未能即定為著作之時日也董書中最 書祭 其事實其最後 吾人並應明定 必後 如 熼 兩端。

年始改日

成化為著作前之時日書中不知嘉靖十七年太宗廟號之改為成祖則嘉靖十七年實爲著作後

成祖此曹仍稱太宗是作於成化後嘉崎前也(四庫全曹總目提要史部編年類)此

何時,

來

V 歽

三十

之時日故可斷其作於成化後嘉靖前 也。

明定書札與雜記之時日其方法大致相同唯明定雜記之時日需時較多而所得不盡

閩滿。

可讀而 往往讀說全書終無要領或亦涉蹤數頁即見端倪至於雜記之或成於一時或隨時筆錄則大體 知世每有當時筆之於書出版時大加修改者或不加修正而入於文集者讀者均類。 明辨

其先後愼勿渾而不分也。

腾而紀載則在後來則吾人須知撰人當着手著述之時是否仍身居出事之地並能否用 著作之地極有關係蓋撰人所處之地位能否獲得正確之傳聞吾人應加研究又若史料出於目 著作之地與知人朋時之關係雖稱密切唯較不重要然史料者不出於目睹而來自耳聞則,

料助其記憶之窮此外並須參照當代或後世著作中所引用或提及該撰人之著述以爲旁證有,

他

種材

時因發出無人提及某種著作之故因以證明該著作之偽爲如世謂詩序為子夏毛公所作然因

史漢傳記無一言及之故今日遂斷其爲俟云(崔述讀風偶識)史漢傳記無一言及之故今日遂斷其爲俟云(崔述讀風偶識)

或特見之流則涇涓分明一讀可見如全文平谈則較難辨別唯有關疑矣。 比也言比及孝惠還而趙王巳死也後人不解其意故於犂下加明字而不知與上文晨出二字不。 文也(王念孫讀書雜志史記)亦有故意為之者如不諳原文妄加修飾是也史記呂后本紀『帝 此種增加可分二種竄亂及增補是也竄亂之舉有出諸偶然者如誤以注腳爲本文是也史記吳 然則唯有推求文理之一法文體是否一致精神是否貫穿意見有無矛盾如增加者爲具有特性 合也(王念孫讀書雜志史記)如原本尚存或再版本之較近異者尚在則增加之處一較卽 太伯世家『爾而忘勾踐殺女父乎』而即爾也今作爾而者後人依伍子胥傅旁記爾字因誤入正 以上所論者僅保一人之著作而已有時一種史料每經後人之增加而誤爲原撰人之手筆。 丽。 不

第四章 知人

三: 十:

|知撰人尙未為足也蓋「史家之文多据原本或兩收而不覺其異或並存而未及歸一」

本相同之方法以治之大抵紀載雷同者必出一源錯誤相同者必係勵襲一因各人錯誤決難不 (顧炎武亭林雜錄)又成駒襲他審以為己有或同說一事而分為兩家吾人於此宜用與校勘版

杓而同各人同配一事決無一致之理吾人求其世系審其後先則勦襲者無所遁形同源者可以

追溯。

比較然後可得其異如史記魯周公世家「一飯三吐哺起以待士」一語當有二本一本作一飯 誰屬原文誰爲勦襲解決之道尚不甚難如丙之所述係合甲乙而一之而乙則本抄自甲者則交, 之成說或乙自丙處而襲甲文如乙丙各增損原文則驟視顯近獨立如乙抄自丙或丙抄自乙則 互錯綜頗難明辨如再有丁戊己等諸撰人綜合諸說集其大成則混亂之情猛難究詰唯有苦心 至於三種以上之相似史料較難辨明例如甲乙丙三種史料甲係最初撰人或乙丙各魏甲 人人

一都

於泊之旁鑿

一地大小正同則可受其水矣」坐中

· 皆絕

倒言者大慚沮。

邢牌聞見

紛

多此

梁

此易為

三起一本作一 飯三吐喃而後人談合之遂致詞意重沓(王念孫讀書雜志史記

山泊 乾 則 類。 也。 所 įIJį 太湖 足以 胪 泊 古鉅 王闢 荆公曰「何也」貢父曰: 許 決而 叉 水乎! 貯水臭」介甫大笑而 如 云可得良田數萬頃人皆笑之荆公因與客話及之時劉貢父學士在坐邊對 野澤廣袤數百里今若澗之不幸秋夏之交行潦四集諸水並入何以受之」 之澠水燕畿錄載「往年士大夫好譯水利有言欲涸梁山泊以爲農田或語之曰: 涸之可得良田萬餘頃但未擇得便利之地貯其水耳」介甫傾首沉 宋司馬光涑水 質叉抗聲曰「此甚 紀聞 <u>i</u>E. 載: 「但旁別 = 集賢校 不難」介甫欣然以爲有策遵問之貢父曰 而張耒明道雜志載『王荆公爲相大講天下水 開一太湖納水則成矣」公大笑買叉滑稽 理劉貢父 好滑霜當造 7介甫値 一 客在座, 思 別 曰: 日: 穿一 | 獻策日 利。 丽 貫父適在 解 溡 然安得處

梁山

泊,

梁

至

有

駔

三十四

後錄載『王荆公好言利有小人稻田「決梁山泊八百里水以為田其利大矣」荆公喜甚徐曰、後錄載:

止予以與優旃滑稽漆城難爲蔭室之語合故書之』。 策固善奏決水何地可容」劉貢父在空中日「其旁別整一八百里泊則可容矣」荆公笑而

争 而後有澠水燕談錄再過二十餘年(紹興二十七年)而後有聞見後錄以時代言此說實始 案涑水紀開作於元祐前至少過二十年而後有明道雜志(崇寧初)再過三十年 (紹與二

於司馬光其問駒製傳授之跡固一望可知也。

代史至清代就永樂大與及宋人哲所徵引者甄錄條緊排纂先後因得晦而復彰散而復聚。 總之此種工夫之成績可分二類一爲已亡之曹之復原一爲可信之書之失據前者如舊五總之此種工夫之成績可分二類一爲已亡之曹之復原一爲可信之書之失據前者如舊五

庫全書總目提要) 後者如毛詩別會亦合左傳之事一經考核其偽昭然(崔述讀風佛識)皆最

著之例也。

考證工夫不僅在明白史料之撰人與時地而已蓋考證宗旨在於明悉撰人與事實之關係。

事唯吾人對此不可選信為冀仍當詳加密察撰人當時是否身臨其境能否親見耳聞吾人均當。 者為原始何者為孳生辨明之後並須求孳生材料之何所自有時撰人自謂言親見或耳聞某大 以 上所述皆專指原始材料而言然原始材料不盡得諸一己之見聞吾人於此不能不先辨 其何

於推想之餘然後斷定。

於出 人 (少信儿 當 史料 事之時身居於出事之地則此札價值可謂至高。 殿密考查不可疏漏。 估值. Æ 日睹之機。 既爲考證之目標故史料本質是否甚佳撰人性格是否可信著作時地是否適宜 ī'n 著作又在事過境遷之後則此書價值顯然最低介此兩者則 如吾人所有史料係一 種私人醬札撰人多聞博學而且誠信案学且述 如係公家書册旨在宣傳撰人才 學凡 之更料其, 庸為

第四章 知人

價値

高低至為不

一難以

盡言

葵。

三十六

史料估值當然與算學不同難求絕對之正確否人瀏覽古書粗翻一過或可斷言某人所述,

失實而大體難信者被沙或可揀金故書中所述各事均須一一考查然後採用決不可因其 大體不差成大體難信然此言甚泛非定論也蓋一種史料固可大體不差而某節某事可以完全 大體

不差而遂取之或大體難信而遂棄之也。

大抵撰人性格如何影響史料甚鉅與知灼見有賴五官盲目失聴見聞必陋下愚上智各人

整體/ 裁別識必致群略失宜配景既失其平衡事實遂失其異相雖有紀錄復何用乎故『鑒周日月妙 不同見智見仁貴在心知其意且人事變化萬緒千頭果欲筆之於舊斷難一絲不漏若無心。

極機神文成規矩思合符契一為奢作中最難能可貴之事世之能傳人適如其人傳事適如其事

岩古令有幾人乎。

此外撰人或胸懷成見或有意欺人或因個人利害而不敢直言或因黨派關係而心存人我。

皆足使紀載失實言不由衷凡此皆當於明義章群述之茲不先贅。

歷代史家喜用百家雜記至今隨意引用不加考證者尙屬不一其人殊不知史料之中以雜 所載難

家小說之類爲是不可恃試讀李心傳之舊聞證誤及崔述之東壁遺書即可見雜家說部

以徽信之一班盖私人雑錄非事後回想之筆即道聽塗說之言拉雜成章僅資談助以言史學邈 乎道矣雜記所涵可分爲二一屬事實之紀錄一屬撰人之意見言其價值均甚低徼蓋所述事實,

多本傳聞或簡而不販或浮而不實至於個人意見尤與史學無關蓋史家所注意者非私人之主

張乃事實之質相也劉知幾嘗曰「留情於委卷小說銳思於流俗短舊可謂勞而無功費而無當

者矣』(劉知幾史通補注)

第五章 考證與著述

「由漢氏以來學者以其所得託之撥逸以自見者蓋不少突高明者多獨斷之學沉潤者向考案之功 天下之 學 衡,

不能不具此二途野独日整而月夜暑更而等冬以之推代而成協功則有相轄之签以之自対而立珍城則有原傳之不能不具此二途野独日整而月夜暑更而等冬以之推代而成協功則有相轄之签以之自対而立珍城則有原傳之

第二十二章 學城

世人於考證之業或視爲無足重輕鄙不足道或視爲專門家學持以終身此界彼聽交難不

已初不知無考證而言著述必流爲無根之談含著述而事考證又何異無的之矢蓋考證之與著。

述爲道雖殊其歸一揆表裏無咎相須而成著述之道根考索而來非憑嚴作賦考證之業乃讀書 故學者若狗於一偏而謂天下莫能尙則出奴入主交相勝負所謂物而不化者也又鳥乎可哉茲 之事非窮理之功。『苟有學問而無思辨任耳目而不任心讀審何爲』(朱一新無邪堂答問卷三)

再進論著述與考證應否分工之問題。

可成名材料淵源可以不問至於考證專家亦僅空言著述之途徑未答自下著述之工夫誤以襞 身蓋分工之制正合現代科學精神也。 **證之業無宗不事考證則著述之功無據必能彼此兼顧方免兩敗俱傷唯考證著述不必任以一** 榜補苴謂足盡天地能事而對於歷史著作之與趣及了解則仍茫然一無所知夫不言著述則考 從前考證著述畛域甚期所謂史家者不願史料之來源徒事詞藻之慘飾以爲能文博學即

第五字 考職與者述

史冢智史可遇之境有三其一所有史料均已校訂詳明足資應用其二史料尚未點理唯考

三十九

尙 不甚難其三史材雜亂考證需時而題目之輕重與所發研究工夫之多少又苦無一定之比

例。證

史家處第一第二兩種境遇中考證著述當然無分工之必要如遇第三種境遇時則不同矣。

所需史料或散漫無紀殘缺不全或傳聞異詞疑信參半學者處此唯有二途或棄之不顧另選

題或努力進行不辭勞瘁窮畢生之精力備後人之要删學者至此蓋將以考證之業終其身矣夫。

考證專家本可用其所得以從事著述如司馬光既用考異之工夫復有通鑑之著作中外名史家

之類此者亦正不一其人然此種兼長之才世所罕有究其原因不一而足其一人壽至長不過百

豫考證事業繁重異常凡目錄之編製版本之校勘眞僞之辨明訛謬之訂正整理一書已足白首。

其二考索之功特饒與趣每足令人樂此不疲不欲他遷。

畢生盡力考證之功蓋亦學者分內之事。「予任其勞而使後人受其逸予居其難而使後人

證一業亦本有獨樹一幟之價值方今專門學術日進昌明昔日曆淺之史著均將不值識者之一。 樂其易不亦善乎』(王馬盛十七史商權序)且研究歷史與其他事業同分道進行得益必大蓋 考證專家習於其業研究所得必較常人為確而且精故不特史家無兼事考證之特別理 故必專工分任史學方有進步之可言也。 崩, 即考

兹再略言吾人對於考證之與趣及專心考證所及於專家心理上之影響。

樂為考證工夫。凡朋之人則每覺其態有趣味蓋考證之業含有二種與趣極合人類本能一寫蒐樂為考證工夫。 氏選書博約中) 放研究學問與趣為先泛騖求適必無所得『惟即性之所近而用力之能勉者, 服古之中有欣愿會心而忽焉不知歌泣何從者是也功力有餘面性情不足未可謂學問也』(章 因以推微面 夫學有天性焉讀書服古之中有入識最初而終身不可變易者是也學又有至情焉讀書 知著會偏正得全斯古人所以求通之方也』(章氏遺書通說)大抵高明之士每不

第五章 考默與著述

之兩種本能此實人類科學精神之雛形也發端極微成效極大學者如自問不具此頹天性。 考證之業最富猜謎射優之資觸類旁通盡是獨運匠心之會故有名學者莫不富有蒐羅與射獲 今不一其人至於射覆之學尤饒奇趣如文虎詩謎雅人深致推敲發覆備見才思卽其顯著之例。 羅一為射覆蒐羅之舉不但爲兒童所樂爲即成年人亦復心好世之以收集金石書甍名家者古 宜從事考證工夫然而世之頗爲考證家者其人必衆蓋專門著述不特有需於高才博學亦且有 **餐於別識心裁至於考證工夫則凡稍有才學之流均可得門而入其難易固自不同** 也。 即不

之作用其原因尚未爲學者所深知或因注意力之不專或由於下意識之活動意志旣無 有志不逮之輩古今何可勝數世有生而為妄人者逃事必失其眞出言多流於罔此種變態心理 力心理途失其作用之常蓋下意識之爲物毎以臆度工夫彌補配憶或將實情幻想混雜不分此, 其次考證之業僅賴熱忱仍未能必操成功之券也蓋學問之爲道非盡人可成家力絀心餘, 無解取之

在兒童心理中最為顯著欲以意志駕馭想像非努力奮關不爲功而世人之終身不脫兒童心理

範圍者亦正不一其人也。

不急求成效亦不見異思邈故能著作等身傳世行遠若徒貪多務得博而不精縱或可以誇 唯言之雖易行之實難唯有好學深思方克臻此世之成專門名家者類皆冷靜沈潛循序漸 之美傷著述不朽之首基假使率爾成章自安孤陋必致行之難遠貽誤後來自欺欺人莫此爲甚。 為後世不可無之書而其中小有舛漏尙亦不免若後人之書愈多而愈舛漏愈速而愈不傳所以 時斷難取信於千載。宋人書如司馬溫公費治通鑑馬貴與文獻通考皆以一生精力成之途 亦有才力甚優作專草率因欲弱求速效遂致謬誤濫生故持之有恆學而不厭爲學者 耀 進。 最 於 旣

然者其視成者太易而急於水名故也」(顧炎武日知錄卷十九著書之難)

總之從事考證之業者必審慎而專精機發而寧靜不永速效不自誇炫蓋考證結果最難預

第五章 考證與著述

十四四

期乃純係守先待後之功故必抱損己利人之意而且必具有射覆之會心與蒐羅之與趣世有不期。

長於此者不自審其資票如何貿然從事途至窮經白首一藝無成不亦次可哀乎!

習於考證之業每害學者心靈或穿次於故紙之堆或疲神於斷爛之節不復知有提要鉤元

之為業徒斤斤於筌歸嚆矢之功程破碎支離違言家母論其流弊大抵有三即好尙過疑及著述之為業徒斤斤於筌歸嚆矢之功程破碎支離違言家母論其流弊大抵有三即好尙過疑及著述

能力之喪失是也。

之心縱有別識心裁亦不敢負陶冶之任衡量他人著作亦復事事吹求日中所見考證之未精與之心縱有別識心裁亦不敢負陶冶之任衡量他人著作亦復事事吹求日中所見考證之未精與 世之專專考證之業者愿於著述之難免無瑕考證之無徼不至途乃擱筆躊躇不敢存嘗試

謬誤之百出而已此專習考證之業之流弊一也。

『古人同述一事同引一曹字句多有異同非如今之校勘家一字不敢窺易也今人動以此律 過疑之弊與輕信同所謂過猶不及是也習於考證之士對於真確史料往往逾分懷疑初不過疑之外,

知

第五章 考胱與脊丝

變偶, 道無殊豈吾人求學之宗旨哉此專習考證之業之流弊二 不 彼專輒改訂使古書皆失異面目。 知所 而後快矯枉之弊何可勝言且炫於考證工失有益學術之論, (止夫不能勒馬於懸巖勢必粉身而碎骨會以愈讀) (朱一新無邪堂答問卷三)推其用心似必欲信者變疑! 也。 而失信事以愈考而失真此 過疑之弊因以益深一 與自! 往 殺之 異者 直 前,

庸。 此輩义或以為凡屬史材皆有價值不應有重輕之別或詳略之分並以爲史學之可貴不在多識 作升分更子珠為惠琳乃出校書之陌本非作者之傷而皆文致 人質以開導後學而世之考古者拾班范之一言擴沈簫之數簡雜有竹案爛脫豕虎, 夫史非一家之書乃千載之書祛其疑乃能堅其信捐其瑕益以見其美拾遺規過] (錢大昕十二史考異序)究其結果則拉雜成章漫無條理豈特博而 至於好尙之徒視考證爲雅人深致視著述爲無足重輕誤執求知之功力, 小班月為大創馳騁 寡要亦且勞而 以爲 傳譌易 筆 匪 學 臺, 為簡 即任是。 一夸曜儿 無 场而 蛇前 斗分

四十五

四十六

前言往行而在培養科學精神殊不知「學雖極博必有一至約者以爲之主千變萬化不離其宗。 新無邪堂答問卷一)故『古人之考索將以有所爲也旁通曲證比事引義所以求折中也』若以 無一無宗旨也苟徒支離曼衍以爲博捃摭瑣碎以爲工斯渺不知其宗旨之所在耳』(朱一

無所不涉為博通無所不考為研究是夸父逐日愚公移山之智也。

濟矣天地不足供藏書賤儒即死安所更得尺寸之際以藏魂魄哉』(章氏遺書尊雜)是以學必 年譜)若問識大體徒事賅存則『一歲所出不知幾千百億歲歲增之岱岳不足聚書滄海不 博而不雜約而不漏應幾學術醇固而於守先待後之道如或將見之矣。 水其心得業必費於專精類必要於擴充道必抵於全量性情喻於憂喜憤樂理勢達於窮變通久。 總之研究學問貴有綱紀所謂學能『得其條理由合而分由分而合無不可爲』(載束 供墨 原集

第六章 明義

「學者於古人之曹雖固經傳之原文賢哲之語繼當平心靜氣求其愈旨所在不得泥其觸而害其逾況於雜家小說

之官安得達信以爲實哉」——權述

當讀書之際好以一己成見參入費中如『宋已來儒者以已之見硬坐爲古賢聖立言之意。 常人誦諷古書往往邊信為實以為流傳旣久事必固然撰人其意為何可不再加深考而且 而語

言文字實未之知其於天下之事也以己所謂理強斷行之而事情原委隱曲實未能得是以大道

第六章 明载

四十七

聖賢本意況易入於歧趨乎」(朱一新無邪堂答問讀漢書藝文志)夫史料所涵乃撰人之印象, 每断章取義附會成文初不知『治經者當以經解經不當以經注我以經注我縱極精深亦未必 非事實之本與前已言之吾人讀古人書於千載之下必得古人與意方可取以爲資此解剖古書

真義所以爲讀書第一義也。

詮釋史料所宜注意之原理言其著者計有四端。 字異義同因地因時千變萬化故史料之詮釋乃小學之工夫非僅用文法上公例所能了事至於, 爲文字之義各處一致今古相同故不惜以古例今以此例彼如誤「羲和日御」爲「爲日御車」 常儀占月」為「常娥奔月」之類不可勝數殊不知『古今異言方俗殊語』或字同義異或 解剖古書間之詮釋詮釋之道凡有兩端先考字義次通與意茲請先言明義之道常人稱以 第六章 明義

秦列傳「 文如能將書中相同字句集於一處較其異同並審其文氣則文字真義不難得其梗概。 家桓公欲無與魯地而殺曹法管仲曰『夫刼許之而倍信殺之愈一小快耳而乗信於諸侯』愈 **其** 一, 文字為物代有變遷『九服各有逸言六代各有絕語』故欲明史料之義必諳當日之 臣聞飢人所以飢而不食鳥喙者爲其愈充腹而與餓死问患也』案愈即儉 M字也。 2.24 2.44 如史記蘇

文苑波說故文章體性不可不知其四文句意義篇各不同一字之義易地而殊如『毛公之傳詩 須熟諳方言其三作文用字人各不同如賈生俊發長卿傲誕子雲沉寂子政簡易無不筆區去講, 之『層』同是『美』也吳楚衡淮之間曰『娃』宋衞晉鄭之問曰『艷』(揚雄方言)故欲斷定文義必之『層』同是『美』也吳楚衡淮之間曰『娃』宋衞晉鄭之問曰『艷』(揚雄方言)故欲斷定文義必 可撥去浮詞得窺填意其二文字意義隨地不同如同是『履』也除兗之郊謂之『扉』自關: 念孫讀書雜志史記)若或撰人模擬古文貌同心異則應審其是否出諸假借抑或意在修詞方念孫讀書雜志史記)若或撰人模擬古文貌同心異則應審其是否出諸假借抑或意在修詞方 小快即偷一小快也淮南王傅『王亦偸欲休』漢書偷作愈是偸與愈通也字異而義同。 m 西謂 Ŧ

也同一字而各篇訓釋不同大抵依文以立解不依字以求訓非熟於周官之假借者不可以讀毛,

傳也」(毛詩注疏校勘記序)

性之事物之文字如階級制度習慣感情等則每隨事物之變化而更易其內涵如視爲命意相 者稱須研究特異之成言卽盡能事大抵相沿成習之成句不與單字同其變遷至於指示富演化者稱須研究特異之成言卽盡能事大抵相沿成習之成句不與單字同其變遷至於指示富演化 觀 上所述可見詮釋文義極費會心然欲明曉古文非此不可所幸古今文字大體相同故學

必有毫釐千里之謬。

是贏言竟成實事。 寓言不可深信依文立解梗概可知唯不能自謂卽此已可與古人同居耳茲再進言尋求史料異 楚人有兩妻豚歸祝滿家妾覆藥酒東家食西家宿之類不一而足! 生往傳之益久信者愈 然文義雖明猶為未足蓋古人文字或寫物附意或嚴言切事或存心諷刺或出言: 此種喻意文章憑心自造欲事辨別初無定程。 大抵立意荒謬出言矛盾者 詼諧。 多原 皆近 二。 如

意之法

研究史料與研究其他科學同當以懷疑爲立足之點凡撰人之一言一語皆當處處懷疑蓋史家 常人之習每輕信史料所涵殊不知史料所紀者乃撰人所欲紀者而已非卽事實面目也故

疑二類採用史料盲從其所信之人不復嚴加辨別凡此陋智皆宜力草者也。 採用史料負有填實不誣之责輕信人言必貽代人受過之憂也常人又往往分別撰人爲可信可採用史料負有填實不誣之责輕信人言必貽代人受過之憂也常人又往往分別撰人爲可信可

史料中一言一語均須求其理由(11)考證史料不當僅究其本體必將所述諸事條分縷析 言其通則可得二端(一)科學填理徒有證據尙不足以言建設也必並有充分理由, 夫 史料所涵不盡一事一言一語皆屬獨立或正或誤不盡皆真故考證工夫當與解剖並進。 方可斷定故 丽 硏

魯衛之君會於產星。杭世駿策左傳臺星之會但有魯君年表並同秋徵會於衙乃會於鄖耳此 究之有時一語之中包涵數學亦須分別明辨不可混而不分如史記吳太伯世家『十三年吳召

第六章 明義

拜兩事為一(史記卷三十一考證)考證貴能精密即此可見一班。

常人估計史料價值往往僅以文義爲衡殊不知妄言之人或危詞聳聽或故意誇張貌雖極

藏終不足以爲眞確之據故吾人於詮釋文義之外應並究(一)撰人性格之是否誤實不欺(三),

所逃諸事之是否真確不誣。

撰人欺罔之動機大抵不外如下之所述。

(一)存自利心凡人心存自利每不惜豁說欺人古令公牘大抵如此故吾人考證史料應求(一)存自利心凡人心存自利每不惜豁說欺人古令公牘大抵如此故吾人考證史料應求

撰人之宗要至於撰人私心或祖一已或祖一羣參雜混亂每難辨認吾人常求其關懷最切之處

以明之。

(二)為勢所迫撰人或為勢力所迫或為習俗所囿遂致多方迴護委曲求全故所謂信史不

盘 無 誣。

第六章 明義

(三) 好惡有偏夫愛之欲其生惡之欲其死人之常情也爲撰人者或因派別各異或因主義

不同遂致有意相輕或者存心標榜。

不振遜郅不滾杯鄭或孝有心棲虧

(五)取悦流俗撰人之欲取悦庸兼者每更改實情以資迎合如官樣文章應酬文字奠不于 四)心慕虛榮誇大之情人所恆有他人偉業則冒為己功一己醜行則諉爲人過。

输一律冠冕堂皇取爲史材何能憑信

(六)自炫文彩割裂填情鋪張文彩此文人之長技而史家之大思也此種文學夸飾可分數

端有屬修詞者。『言峻則嵩高極天論狹則河不容舠說多則子孫千億稱少則民靡子遺襲踆斝。

完操资并不告而娶伊尹之五就湯五就樂其言未必無因然其初事斷不如此』(崔述考信錄捉 滔天之目倒戈立漂杵之論』(劉勰文心雕龍夸飾)變本加厲踵事堵華有屬敍事者『如舜之,

有屬抒情者『談歡則字與笑並論感則聲共泣偕』尺水丈波虛詞飾說心聲鋒起名質兩有屬抒情者『談歡則字與笑並論感則聲共泣偕』尺水丈波虛詞飾說心聲鋒起名質兩

五十三

五十四

乖其文雖佳終無當於日用者矣。

至於事實欲求正確當然以出自觀察者為貴然撰人所處地位不盡適宜謬誤之見其來有

(一)撰人目睹事實自謂已得其與實則或神志昏迷或成見先入途致頻倒錯亂以是爲非。

大抵昏迷之處難明成見所蔽易辨蓋成見與默人之動機同均因利害虛榮或偏袒諸關係而!

生者也。

能即時紀述四能明其方法自然科學莫不如斯史學方法斷難辦此故史之為法雖極精能終屬(二)撰人所處地位不適於正確之觀察正確觀察之條件一有相宜之地二無求功之心三

不確史學所以異於其他科學者此也。

(三)撰人蟾館目睹而懶惰疏忽漫不經心有所見聞或記失其詞不暇致辨祗求塞實敷衍

成章官廳例行報告之文大率如此。

四)過去事跡有非一人觀察所能明如一時習慣一事始末一羣行動一人隱私等或範圍

甚廣或經時甚長的非旁採他材不足明其與相撰人所據史料是否充分是否正確均當研究者

也。

介故吾人不能不追求原始撰人唯原始撰人每不可考則唯有依前章所述知人之道以求之耳。 以上所述皆指原始史料而言然史料,中大都以孳生者爲多所謂撰人皆係傳達消 研究史料之方法如此繁難而史料之價值又復如此低下則史之爲學不亦難乎所幸, 息之中 史上

所述以習慣與大事為多時間較長範圍較廣故史料雖缺崖略可知此外且有撰人不致誤

記之

史料而史料本身亦有不致錯誤者存茲略陳如後。

一)撰人不致誤記之史料可分二類其一事實之與撰人無利害關係者則撰人必能秉筆

期錢

直書不致變更真相其二事實甚著不容訛誤者如證明甚易者時地皆近者區域甚廣者衆人屬,

目者均非撰入所能一手盡掩也。

(二)事實本身不能致誤者可分三類其一事實經過為時甚久者如習慣是也其二事實範

圍所及甚廣者如戰爭是也其三事實所在一望可知者如民族是也凡此所述複雜異常運用不

易然各種步骤每可同時並進智慣之後亦不甚難且空談史法無異具文學者果欲成家尤貴心。

知其意此又非可以言傳者矣。

五十六

第七章 斷事

『雖有疑獄合衆註而質之必得其情雖有虛詞參樂說而核之亦必得其情憑師盡南遷錄之姿鄉闚之事無質也趙

叉髋其異出換臣可謂聚訟李燾卒參互衆就而辨定之至今塗無異說此亦考證欲詳之一驗』—— 紀昀 興時證以金國官制而知之營璽駿一書題語文意博范仲淹諸人晁公武以爲眞出梅堯臣王鈺以爲出白魏泰邵雙

考證目的在於史料之估值及史料關係之決定然估值僅爲史專斷定之初步非即研究史

事之止境史料考證不能予吾人以史事之與相也僅能使吾人比較各黨人之紀載而已比較同事之止境。

第七年 断郡

五十七

紀所見聞不盡其確不誣必另有他人紀載能與之不約而同方可定其事爲不妄故欲斷定史事紀所見聞, 異辨別虛實而後史事方可斷定焉紀載自紀載史事自史事兩者絕然不同學者, 之與確至少應有二人以上之暗合。 切須明辨。 撰人

使撰人對於所見所聞不能有明確之了解是也例如王充論衡, 然若撰人而犯自欺之病則雖有二人以上之暗合亦不足據所謂自欺蓋一種公有之心理,

黑難歲諸篇所述對於世俗迷信可謂推樹已盡而歷代名人筆記尚多無稽之談故言者雖多皆,與人對於所見所聞不能有明確之了解是也例如王充論衡紀妖計鬼四諱調時譏日卜筮辨使撰人對於所見所聞不能有明確之了解是也例如王充論衡紀妖計鬼四諱調時譏日卜筮辨

本諸自欺之心理不足以證其果有是事 也。

遇者而言意謂就人類經驗而論世間確可有此等事不容再疑耳故曾有之事常以可能爲前提。 如不可能決不容有縱有紀述亦不足憑 考證史事之虛實蓋以可能與否爲根基如不 可能雖有史證 無益 也所謂 可能指 隶 彻

也。

哭感慟而崩又稱湯遭七年早以身臟於桑林自實以六過天乃雨夫天地之有水旱猶人之有疾 病也疾病不可以自實除水旱不可以於謝去明矣且天去人非徒層臺之高也湯雖自責天安能 去人以萬里數安能得日又稱杞梁氏之妻嚮城而哭城爲之崩夫城土也無心腹之藏安能爲悲, 不能避賢者之舍蝗蟲何能不入卓公之縣(節錄王充論衡咸虛篇)諸如此類皆不可能故雖見 慕服蝗蟲閩虻之類也何知何見而能知卓公之化使賢者處深野之中閩虻能不入其舍乎閩虻 知而與之雨乎又稱南陽卓公爲緱氏合蝗不入界夫賢明至誠之化通於同類能相知心然後 世 |稱堯時十日並出萬物焦枯堯上射十日而去其九夫人之射也不過百步矢力盡矣天之

聞

紀載終鵬虛妄也。

不能而變為可能者必先有信而有徵確實不虛之經驗以證其果為可能而後可唯專之可能與 然今日之不能安知非即他日之可能故不能亦可成為可能也同時吾人亦須知凡事之自

第七章

六十

否, 事之容有與否無關吾人不能因某事為可能即謂某事爲曾有蓋事不可能固不容有卽事

屬可能亦不必遂有是事也。

史記留侯世家上欲廢太子立成夫人子趙王如意呂后恐使呂澤要留侯為盡計留侯謂天

下有四人為上所重太子應請四人爲客旣至年皆八十餘鬚眉皓白衣冠甚偉上見之大驚竟不

意不顧理義以留侯之久故親信猶不敢以口舌爭豈山林四叟片言所能尼其事假使四 易太子戚夫人泣上為歌楚歌而罷按護高祖剛猛伉厲非畏攢紳譏議者也若決欲廢太子立如易太子戚夫人泣,

尼其 事不過汚高祖數寸之刃耳。 何至悲歌四叟果能制 高祖是留侯為子立黨以制其父也留侯 更果能

豈為此哉又華嶠譜敍口孫策略有揚州盛兵徇豫章一 郡大恐官屬請出郊迎華歆曰『無然』策

稍進復白發兵又不聽及策至一府皆造閣請出避之乃笑曰『今將自來何邊避之』 有頃門下

门 日: 『孫將軍至請見』乃前與歐共坐談議良久夜乃別去義士聞之皆長繁而心自服 **湿也此說**

頃, 不 太不 近人情义孫盛雞語曰: 在一畝但有「遠志」不在「當歸」也」按維粗知學術恐不至此。 (美維指諸葛亮與母相失後得母書令求「當歸」」。無日 **(節錄司馬光費治通鑑考** ----良田百

異) 凡此之類皆非常情故事雖可能不定曾有也。

某事也否人縱明知某事為可能而於斷定某事為容有或其確之先非有實證不可實證強弱當 視其量與質如何以為斷某事雖屬可能然單持不可信之孤證不足以使某事自可能之域而進 所謂某事可能無非謂就吾人經驗而論無物足證某事之不能有然初不謂某時某地會有

於容有之區紀載之確實將雖一言九鼎可使某事達於容有之境然非他人紀載之暗合仍不得於容有之區。

間為其確無疑也

儿 此譜端皆史家斷定史事時所宜服曆者也試問應用之方法如何第一須知欲敍述複雜,

禪論中之與相必先決定禪淪中諸原質之與相所謂登高自卑行遠自邈不以六律不能正五音。

第七章 斯泰

不以規矩不能成方圖也。

肴 手研究之際未加考證之先勤事筆配所謂筆記即披覽史料攝其有關主題之處而 吾人於研究某代史跡之先必先博覽事書加以考證而後可以略得其大凡爲省時計必於 "群記之是

也筆記所用片紙最宜上下各留空白一方以便詳記書名版本卷數篇名及頁數於下方而略標。

所記主題於上方俾便開帙了然易於復檢。

祀 則各書所述原文皆屬關係重要務當依樣群抄不宜逸漏假使所讀之書係世間難得之本則筆 而筆記之切宜譴愼則實爲學者準繩撮要貴能不背其意幹抄貴能不失其異尊率成章無當實 **讚而得之錄諸筆記僅實某人云某事在某時足矣原文如何不必述也然如研究某偉人之言論,** 時亦宜取其成文不當節錄至於筆記之宜撮要或詳抄雖視研究者之應用以爲衡初無標準。 **史家讀史筆記可分二類一屬摄娶一屬詳抄撮婆者不錄原文僅書梗概如求某事之時日,**

用者矣。

艄 而不眞何用與其速而不異何若與而不速乎。 略研究貴與欲速不達若祗求速成不問與確非研究之正軌豈學問之良模與而且速固佳速 諷誦史材瀏覽通史兩者宗要逈然不同前者為研究初步貴在精深後者為傾略大凡無妨

· 門題生焉第一所集紀述不約而同示吾人以此事之果確其二所集紀述言人人殊示吾人以此 信, 事真確不必再疑如所集紀述言人人殊則虛實是非最宜辨別如吾人所得僅一孤證則言雖可, 事為容有或當闕疑其三吾人所得.僅一孤證如所集紀述不約而同且撰者爲人均可信任則此 至多祗得視爲容有而已不得遽斷其爲異確也。 再 **吾人旣已博覽華書集成筆記乃可較其得失辨其異同先將意欲斲定之史事書於片紙之** 務所: 集紀述條列於後而參考之曹名附焉如是則材料多寡可以一目了然矣整理紀述,

第七章 断事

吾 人 史識 不盡根據撰人目 | 賭紀載 而來故有時不能不曲證旁推以資斷定應用此種方法

否互 所得之價值 相密接其三除已經斷定之事跡外是否再無他種事跡與之相合。 如何當以下列三端為斷其一根據目睹 而斷定之事跡爲數若干第二所有事跡是

然 有時所缺者不止一端而可補者不僅 此 **栀旁證工夫最費剪裁之力如取殘像修而復之或缺其首或缺其足一望而** 一物以諸物補所觖盡屬相宜決斷去取此最不易雖有 知眞僞立辨。

别 識 心裁亦將無所施其技矣吾人遇此唯有闕 疑而 e.

而對 於某事中之某節獨置之不言假使某事中果有某節者彼必知之而且必記之彼今不言則 旁 推 "曲證, 並可由反面入手者謂之『無言之證』如 有人焉固深悉某地某時曾有某事者

必無某節 也然此種旁證較正面者爲危險而易流於不眞蓋某節果確彼能否目睹或耳聞之極。

難斷定一也假使彼果日睹或耳聞之彼能必記之否亦極難斷定二也。

第七章

司馬 師之廢齊王芳也據魏略云師造郭芝入宮太后方與帝對奕芝奏曰『大將軍欲廢陛

Τ, 帝乃起 去。 太后不悦送日: 『大將軍意已定太后但當順旨』太后曰『我欲見大將軍』芝

日: 大將軍何可見耶。太后乃付以稱綬是齊王之廢全出於師而太后不知也陳壽魏紀 反載

太后之命極言齊王無道不孝以見其當廢其誣齊王而黨司馬氏亦太甚矣然此猶曰 陳壽身仕

於晉不敢不爲晉諱也至曹魏則隔朝之事何必亦爲之諱魏文帝甄夫人之卒據漢晉春秋謂由

齊。 郭后之龍以至於死殯時披髮覆面以糠塞口是風之不得其死可知也而魏文紀但書夫人郭后之龍以至於死殯時披髮覆面以糠塞口是風之不得其死可知也而魏文紀但書夫人 絕不見暴亡之跡豈壽以作史之法必應如是迴護耶(趙翼廿二史劄記三國志多迴護條)無 (甄氏

言之證之不可恃卽此可見一班。

是故旁證之道極宜慎重。 推新 所得切須直書信者書之疑者闕之愼毋使疑者如真妄者似

信世之精於史學者每能將旁證經過採實述明務便讀者明白其推。 理之由而得以辨別其虛實。

闕疑之道莫邈於斯。

ļ

終不可斷為真確放根據旁證所得之事跡而成之著作其價值遠在根據直接史料所得之事跡 總之旁證所得之事跡與根據直接史料所得之事跡不可相混前者雖屬容有或極逼其然

而成之著作之下吾人於編比史事時於此宜三致意爲。

六十六

第八章 編比

諷而實情予奪之權也或反避若比或遙引如與一事互爲詳略異撰忽爾同屬品節之理也言之不文行之不遠樂公 私之部般渗育家之短長不能自具心裁而斤斤舜徒爲文案之孔目何以使觀者與起而遵欲到強不朽耶』——章 六藝詩書雖賴**以**夏可知」然則勞推臨證開見相緣顯豫闡幽折衷至當要使文成法立安可拘拘於對地之趨哉夫, **企甘辛而致味通源組以成交低昂時代衡豐士風論世之學也同時比伽附出均編類次之法也情有激而如平旨似** 「司馬邏曰『百家言不雅願榜神先生雖言之」又曰「不離古文者近是」又曰「押其官尤雅者**或籍極博**折衷

| を | 説

無八章 編比

六十七

六十八

史事既定陳列滿前有真確者有容有者於是比事團辭之道尚焉。

史學研究步驟甚多循序而前不容躐等然求其實際殊不盡然史事編比本可當着手之際,

反覆推證不厭求詳必搜羅史料先能赅備無遺然後筆之於書方可永垂不朽。

吾人於搜羅史料之餘既知梗概乃可將考證所得之跡加以審查第一定主題之界限第二,

立即進行旣讀一書客知梗概隨翻他籍隨改舊聞必使舊聞隨新證而改觀史事得新見而愈確。

分史事之時期第三定史事之去取第四定各部因果之關係第五明陳跡之變化第六定史事之

重輕第七定烘托材料之多寡。

果傳之無窮所謂『正其疆理開其首端因有沿革遂相交互事勢當然非爲濫軼也』(劉知: 何謂定主題之界限夫史事如環原無首尾昨日之果今日之因今日之因明日之果因因果 幾史

通斷 限籍) 然史之為物雖繼續不窮而詳加審察則段落可見人類演化痕跡顯然皆能予主題

以明白之界限使吾人有研究之範圍研究如欲精深主題必當有限夫人生白首難窮一經况人

事萬千焉能盡究此吾人所以不能不『明彼斷限定其折中』 也。

溯穆公爭霸不成閉關休養之時至如封建制度之與衰其始末均屬難定即謂始於周 皇之統一中國必究其統一事業之何自始與何時終終點易求**肇端難定蓋當秦始皇二十**六年 非即周初封建制度之所本至於封建之廢世人每斷之於棄始戛統一中國之時初不知春秋中 續行之既不可概謂之武王尤不得專屬之周公而武王時原已有千三百國雖係舊時部落安知 時齊國旣亡遂成一統此易知者也至若肇端之日雖顯然爲孝公圖強商快變法之際然尚可違 然史上時日不能定主題之範圍也自何時始至何時終去取之權握諸學者例如研究秦始 初, 亦復陸

薬, 兼弱別列國已半為那縣而楚漢之際豪傑相王漢景之時七國作難皆可謂為封建制度衰

替之餘波也已。

第八章 編比

||於史著之中應包何事此係史事價值問題難定一成標準『論史之煩省者但當求其事

有妄載言有闕魯斯則可矣必量世事之厚薄限篇第以多少理則不然」(劉知幾史通煩省篇)

所謂價值當然非某事為優某事為劣或某事有益某事無功之意實指某事在某篇中是否重要

而不可缺此乃一研究結局之問題也蓋史事編比原屬一研究結局之問題也史事編比所求者,

非人基活動之目標應屬何種乃人類活動已會達到之目標果屬何種且以何種方法達到之也。 例如吾華民族之活動會造成中國而統一之中國之統一乃秦代已成之事實也假定秦始

皇統 一中國為一有歷史價值之事業為吾國文化上之一大進步則史家之實在於說明統一中

國之如何成功然則當編比之際應包何事日凡有關統一成功之史跡均應詳述無異如爲篇幅國之如何成功然則當編比之際應包何事日凡有關統一成功之史跡均應詳述無異如爲篇幅

所限, 不能 不加以去取則當視其與統一成功關係之深淺以爲斷深者取之淺者去之或可無論

深淺並蓄策收稍別群略以示輕重深者群之淺者略之群略去取初無標準史識可貴意在斯乎。

不可矣常人每謂欲求梗概可閱尋常腐著以得之是固便矣非正軌也若能博覺羣書細加考索。 人類活動必有顯著之痕跡吾人取其一段中之事跡而比次之以求其結局非先知其 梗概

毎能 鹽機觸發即景會心彼前言往行縱然萬緒千頭而諷誦有方不難讀書得間學者賞心樂事,

每於此等處得之也

讀書漸多懷抱漸變狹者廣之鑿者正之見解旣與夙昔不同價會亦較先時爲敏取材旣博,

輕重益明或詳前所略或異前所同或重前所輕或忽前所謹史材旣備去取旣竟乃作爲大綱爲

最後之審定爲。

假使秦始皇之統一中國在中國文化史上爲重要之事跡則編比之際毋庸再疑然有時事

) 断重輕每難驟定或去或取煞費權衡吾人至是當念茲事與中國文化發展有無密切關 倸。 詳述

茲事能否使吾人更能了然於中國民族之演化如中國民族演化之究竟在於實現大一統之國

第八章 医胸比

14

家則秦始皇統一中國之事業實爲中國民族團結之初步其重要可以不言而喻矣。

至於世界史之編比亦常非若複雜之運淪不應僅以外觀之統一或社會之結構爲已足然

或僅述經濟與政治二端乎如應網羅一切則孰重孰輕乎何者應詳何者應略乎何以某事較重 **則世界史之材料常屬何等應包人攀發展之各方面如經濟教育政治科學美術哲學及宗教乎**

且應詳述乎凡此皆形而上學中之問題也。

抑僅係人生究竟之一種方法平如其僅屬方法也則人生之究竟究屬何物乎人生究竟是否即 觀此可知編比世界史當有一種人生哲學為基礎社會上之形形色色量即人生之究竟乎

如德賢倭伊鍪(Eucken)所謂「生活中精神滿足之發展」乎人攀活動之宗要是否在於人

格之上達吾人於此亦有明證否如無明證則直恣言而已人羣活動又豈空言所能駕馭乎。

又若以為人生經屬物質之事人也社會也以及人藝活動之產品也皆將有同歸於盡之「

說也亦與非名言而已乎凡此諸說皆關史意者也亦即所謂『歷史哲學』者也研究史學

者亦誰能脫此窠臼乎。

述世界史之人矣是故選擇世界史資料之標準非已成之事實也乃擬議之目的也此則習史者 世界史之結局已成事實然後再依據此的以決定史事之勢重勢輕勢去勢取則世上將永無著 如吾人已知中國之統一已成事實用為敍述之線索是固然矣試問世界史之線索爲何? 然則編比世界史應以何種根據爲選擇資料之標準仍屬史料價值問題而至今尚無定論。 如必俟

所當明辨者也。

其全部歷史之編比此種價值觀念各時代之民族皆有之且必皆有之否則各民族之事業將無 於精神之事跡反之偏重精神者亦不能同情於物質上之往事史家所抱之價值觀 是故世界史之如何編比當以著者所抱之人生哲學為標準偏重物質者不能欣賞史上關 念當然影響

第八章 有關比

一致貫敞之觀也。

所用之史事亦已能以適合全部結局為標準則即可稱為其有史識之人史家紀事決不因 有興趣途不惜並蓄兼收所運用者必係可為脈絡之事即此一端已不易爲世之能此者又有緣, 大抵史家所謂價值之標準並不自世界史中得來假使史家對其所述之時伐已了解無遺。 工其饒

人乎此先哲所以有才難之嘆也。

宗教初非一端如何比次乎其如艑年史家之以事繁年依次排比乎號如是也則僅列舉事跡而,, 質精神事跡貴能互相聯絡欲求一貫則凡相同事跡均當以類相從欲求聯絡則凡先後相生均 已不得稱為專門著述也且『事以年隔年以事析擅其初莫釋其終攬其終奠志其初如山之餓, 如海之茫蓋穩年緊日其體然也」(袁樞通鑑紀事本末楊萬里叙)大抵觸比之法全篇須具一如海之茫蓋穩年緊日其體然也。(袁樞通鑑紀事本末楊萬里叙)大抵觸比之法全篇須具一 應述何種事跡與如何編比此種事跡純屬二途研究所得之史料或屬經濟或屬政治或屬應述何種事跡,

應循序比次所謂『首尾畢具分部就班』者(袁樞通鑑紀事本末自序)是也學者館於編比之

際先分段落則一貫之道思過半矣。

述其本末] 與組織學術之中或可再分為科學與美術故大段可再分為小段小段再可分為幾事依其先後, 治之中或可再分為中央與地方經濟之中或可再分為國計與民生宗教之中或可再分為教義 事可分幾段分定之後乃推求各段之源流有屬政治者有屬經濟者有屬宗教者有屬學術者政 **水詳胨可免掛一漏萬之譏得** 人羣活動並不單純研究工夫解剖爲上此攝比史事之所以貴分段落也入手之初先定此 乃合事成段合小段為大段而成籍或有時事跡之間牽連繁複亦無得分頭敍述不厭 一氣呵成之妙。

最難之事 然段 亦為最不易得心應手之事所謂著作不僅『事具始末文成規矩』已也歷代帝王本 落雖成編比之功仍不得稱爲完竣也蓋尙有組成條理排比成章之業焉此爲編比中

년 | |

紀不足以稱中國史魏朱齊梁陳各書不足以稱六朝史所謂中國史所謂六朝史必有異於是者

矣雖或各篇文字斐然成章依次敍述先後井然亦將僅屬一 種斷簡而已此比次與著述之所以

殊途學者不可不辨也。

編比之道奈何日亦唯使各段落間生極密之關係且依其輕重而敍述之而已方敍一編比之道奈何日亦唯使各段落間生極密之關係且依其輕重而敍述之而已方敍一 段,

置他段繼述衣段乃置前段可權其輕重放筆爲之唯繼述之時凡與前段有關之點均應蓋 畳 重

提以明來歷蓋卽窮源竟委之道也至於各段溯源至何爲止各段詳略標準若何凡此皆屬 難定

之事大抵篇幅大小應先預計重詳輕略端恃史才蓋『史傳爲文淵浩廣博學者茍不能 探贖索

隱致遠鉤深鳥足以辨其利害明其善惡』(劉知幾史通鑒識篇)學者必先熟諳群情備悉始末,

然後詳略去取方可隨心所欲所謂『至精而後闡其妙至變而後通其數』也。

比事成段比段成章學者於着手之頃蓋隱合因果之意歷史與自然科學同不能有無因之

果然自然科學中之因果本有定律因果範圍必兩相等至於歷史則僅有因果之關係而已前後, 相生因果初不相等或其因甚微而其果甚大或其因甚大而影響杳然歷史原爲求異之學,

果每不相符與自然科學之求同而因果永遠相等者蓋迿乎殊途也。

後相生之理而編比之即爲已足總期爲中無孤立之事跡各事有相互之關係斯則可矣。 是故探求定律非史家之責也史家所求者因果關係而已祇敍明諸事之前後相生並

然而

器不朽。 鉤深之容識必能於殘無斷簡之中心知其意且審其因果關係而排比之然後方足自成一鉤深之容識必能於殘無斷簡之中心知其意且審其因果關係而排比之然後方足自成一 如自問才力不足則惟有苦下功夫所謂「學業在勤功庸弗息」也人定本可勝天 可以言傳者規則也不可以言傳者史藏也世之名史家豈特熟諳史法而已且其致違 有餘

不足歷代名史不一其人吾人果能誦其遺書效其力學則必有一旦豁然質通之樂矣。

所謂 歷史名著不僅明其因果排比成章而已尚有進於此焉即所謂特異之變化是也蓋特

七十八

特異變化也故編比史事應述三端第一為原狀第二為活動第三為活動所產之新境三端旣明, 異之變化本歷史中極要之特性歷史所研究者人類之活動也歷史所欲明者人類活動所產之 即稱良史文采優劣可不問焉。

以受改造之制度及改造後之結果為緯則人類變化情形不難昭然滿目史事編比此爲上 種制度之運動而終述改造後之新社會此種方法尙不得稱爲盡善如能以改造之運動爲經而 舊日史家之紀事也每先述某一時代之制度機述當時不滿此種制度之心再機述改造此

史中且三端之間宜有聯鎖未嘗變動之原狀曇花一現之行為以及突如其來之奇事均非良史。 之材當以割愛爲尚。 總之編比時應注意之三端切須服膺凡不足以表示原狀變動及變動之結果者不宜 採入

此外尚有二事焉為良史編比之要着其一輕重之間宜得其當史事自身初無輕重所謂輕

第八章 聖比

樂 道。 如何成就而已足重者群之輕者略之讀者自能得之言外若僅因某事之趣而且奇遂不惜津津 重蓋指其成就之大小而言史家之敍述之也亦不當根據私人評論以詞藻表其輕重祇詳述, 則不特繁簡失當亦且徒顯其學識淺陋而已。 其

貌等詳情可以唯意所欲或並襯以圖畫亦無不可騙比旣竣乃成大綱有如人身此爲骨格肉之貌等詳情可以唯意所欲或並襯以圖畫亦無不可騙比旣竣乃成大綱有如人身此爲骨格肉之 則多寡之間較可自由決定至於此種史材之選擇亦唯以史家之飁鑒為衡凡氣候服裝, 多宜少初無一成標準專視史家之才識如何如能不奪重要事跡之篇樞無妨因果關係之敍述, **衣之著作之功其群當述之於下章也。** 其二編比之際應引用群情增加生氣務使所述事跡栩栩若生誦讀之餘悠然神往至於宜 居室容

 大 수

第九章 著作

『古人女成法立米膂有定輪也傳人邁如其人逃事邀如其事無定之中有一定爲知其意者且暮遇之不知其意點

其形貌神如肖也。——章學誠

究結果之發表斷難完美所謂『言之無文行之不遠』也大抵凡欲形睹篳墨均須具有文學良究結果之發表斷難完美所謂『言之無文行之不遠』也大抵凡欲形睹篳墨均須具有文學良 常人以為編比旣成著作斯易實則深知史法之士不盡屬能文之人若史家而不能文則研

才固非獨史著爲然矣。

呵成一線到底之道也唯不得因此途視歷史爲文學也。 充實完美之文章固不待言史文與常文同最重全文結構洋洋灑灑總期能融會貫通所謂一氣 明之良史為不值一顧之費此種見解旣極錯誤且亦不知史文性質之談也史著與小說不同富 **麗之文章不足以價史著之杜撰史著善惡不以與趣文體爲衡而以眞確與否爲準夫史著應有 夬敍逃史事固當有充實完美之文然吾人不得因此遂視歷史爲文學之別子或視交采不**

宗史家所求者本不在動情之事跡其研究之題目又不盡足以動情之良材如果以小說方法著。 作歷史則謬誤之見千里毫釐又烏在其能成專門著述也。 爾者了然於人羣特異活動之真面如史著既成足使讀者神往此則偶然之結果並非史著之正 夫歷史著作非斷爛朝報之比也貴能如畫像然全身舉現史之宗旨不在激動威情而在使

陸士衡曰『 **、意翻空而易奇言徵實而難巧。此文史之大較也文章之士或理在方寸而求**

第九章 著作

지 士

已以文人之見解而議著述之文縣如以錦工玉工議廟堂之典禮也』(章學誠文史通義答問)。 為史家蓋『文人之文與著述之文不可同日語也著述必有立於文詞之先者假文解以達之而為史家蓋 料既缺史著随躬史家雖亦可運其神思然僅可藉爲低徊往事之助覃思之人可爲文士而不必料旣缺, 之域表或義在咫尺而思隔山河神思所運舒卷自如至於史家則不然矣史之泉源厥唯史料史

督多知以異確為貴獨於史著至今尚一任文士隨意為之事非奇事? 並生史貴通俗之盲談妄謂通俗史籍唯文章之士優爲之夫史貴眞確不尙文詞若必『綺揚繡 多無銓綜之識連章累牘罕逢傲婉之言』(劉知幾史通覈才)不特此也因有文史合一之謬見, 藻詞宗程麗於是沮誦失路靈均當軸每西省盧職東觀佇才凡所拜授必推文士遂使握管懷鉛, 章縟彩」則經生帖括詢賦雕蟲並得啁啾班馬之堂攘臂汗青之業者矣世人對於科學之 世之學者每視史學爲文學之支流史學之不能進步實受此種謬見之影響蓋『自世重文

宰則一專門著作旣貴奠確通俗著作獨可信筆爲之乎語曰『不在其位不謀其政』專門家學, 何獨不然未嘗習史法之人即不應負作史之責若文皆雅正而事悉虛無是「以元瑜孔璋之才 然則世上不當有通俗之史書乎是又不然唯無論著作之屬於通俗或專門其以與確爲主然,

而處丘明子長之任文之與史何相亂之甚乎」

必且重行研究再擲光陰著作如斯亦復何益總之學者之貴以學爲先而研究之功重在供獻者 俗之形則子注附級在所必去後世學者既無從悉其取材所自亦無法明其斷定之由繼其後者, 人瀏覽之資讀者不同其人著作應異其質若欲一書兩用勢必兩敗俱傷若以專門之業而 徒悅目而偶俗固高聲而曲下』(文選陸士衡文賦)已非文學之上乘又豊爲學之宗旨乎 如史學專家而能兼顧並籌豈不甚善先成專門之皆備專家參考之用另著通俗之本供常如史學專家而能兼顧並籌豈不甚善先成專門之皆備專家參考之用另著通俗之本供常 取通

是故專家所致意者非常人之通史乃專門之著述專門著述宜備三事一爲本文一爲注腳,

第九章 著作

八十四

一爲關於書目史料及討論之附錄茲再分述如後。

色目述莫明其妙故史著本文除史料大綱之外應並有鈎元提要之功。「其文緩其旨遠將令學 者原始要終尋其枝葉究其所窮優而柔之使自求之髮而飫之使自趨之若江海之浸膏澤之潤。 渙然冰釋怡然理順然後爲得也』(杜預春秋左氏傳序) 足盡史家館事其實不然如僅比次史料不加詮釋功夫則讀者或如置身雜肆應接不遑或如五 著作特點貴能貫通所謂『推極至隱得其會通』是也學者每以爲史料旣集排比成文即

特點務使覽者如振衣得領張網挈綱了然於史事之與情深諳著者意向之所指欲求著作之貫 領爲先研究進程此爲關鍵若書無綱領則縱有心裁別融亦將如用武無地之英雄至於推理館 通應用推理之能力不特當研究之際須將題目在胸卽至著作之時亦應毋忘網要學問之道網 欲闡明史料中之一貫精神須自史事全部上着手明定範圍揭示網頒然後分述詳情表明

思途可恃才不學如能『考據群明如漢儒而求嘗墨守舊文而不求夫心之安辨析精徼如宋鑑, 力之應用應達何境此係學識問題初無一成標準大抵推理能力雖可培養而成然不能因有神力之應用,

而未常空執處理而不核失事之實」(汪廷珍崔東壁遺書序)其庶幾乎。 刑之善制天人相與之際休咎應證之原威福盛衰之本規模利害之效良將之方略循史之條教。 司馬光之資治通鑑凡十六代勒成二百九十六卷凡「明君良臣切應治道議論之精語德

王道之正一氣呵成始終貫敵其能成吾國史學名著者即在於此。

斷之以邪正要之於治忽辭命淵厚之體箴諫深切之義良謂備焉。其宗旨在於明得失之迹存

與禮道有孔孟不知餘學無漢宋唯其是百家傳說質諸經不經之經斷以理。其宗要在於點百 又如崔東壁之考信錄 上採疏伦王循蜚下溯豐坡迄泗水中間费卦及詩篇政典皇皇

家之妄存列聖之真其他如馬班陳氏各有家學心裁故能干古不刊至今傳誦。

第九字 著作

入十五

著必具別: 則射覆之學繁帨之文雖極精能其無當於日用 著之所以不朽仍在其能以考證之功力爲根基若僅持義 凡 此 裁歷史所以被視為文學及文人所以敢於作史其。 皆不朽之作也學者如欲潛心學問媲美前修未見古人絕業不可復紹 理 理由 而疏於徵實不具始末而徒掇 豉 (即在此) 唯學 心然則 者須 夘 歷 此 文) 種名 史名

<u>L</u>

審矣。

蠶。 則 貫通。 緩步 |欠缺難明之點必能昭然在目再三易稿不厭其煩或多述詳情或更加詮釋總期本末具備| 史商権序) 而釋之仰眠牀上而尋其曲折忽然有得躍起書之鳥入雲魚縫淵不足喻其疾。 使讀者得相悅以解之愉快當著述之際「吮殘墨而疑神搦禿毫而忘倦時復 雖然詮釋往事使覽者恍然見義於事文問尚未為足也著者尙須能自審其著作斷 迨著作竣事之後宜再東之高關期於相忘然後再取而讀之指瑕. 索瘢, 他至 默坐而 重 其 鳴盛 翫 之。 是否 加 蹖

關聯而後已著作如此應幾近焉。

间, 煡, 不刊徒事效響寫有一顧價値古之作者不同體而同工語無相製斬自成一家言耳故曰『天行不刊徒事效響寫有一顧價値古之作者不同體而同工語無相製斬自成一家言耳故曰『天行 君子以自強不息』也。 下者貌同心異學者讀書應『取其道術相會義理元同若斯而巳』蓋必別具隻服方能千古 古人名著多具精神學者有志貽厥後來正應仰範前哲唯模擬之道得失有殊上者貌異心

合毫若斷故牒無憑者均應著其所疑以待後人之別擇故著作之道實緩而難 心考證方可成書務使讀者恍然於考證之是否經意事迹之是否有徵凡是形涉傳疑事通心考證方可成書為使讀者恍然於考證之是否經意事迹之是否有徵凡是形涉傳疑事通 學者所當致意者不僅一 貫精神已也須知著作歷史之際不可信手拈來即當妙諦。 行者 也。 必須精

愼之又愼具有此種苦心方得稱爲學者總之學者以一己之私折衷羣說稍有出入千里毫殼。 太短著粉則太白施朱則太赤』火候純青原非 武 断極 易愼言最難蓋愼言之道貴能穠繼得衷修短合度『增之一分則太長滅之一分則 **,易事故一** 旦新證發見或須重事編排。 ·至再至三

第九章 著作

八十八

年遠世湮無由別其眞偽若輕率武斷邊不經心豈特厚誣將來亦且有慚良史矣,

疑則直書其事可也如衆說紛紜難衷一是而大體偏於一方則宜用『或』『殆』等字以示近真 以示其難信凡此所舉不過大端而史家出言之宜審愼周詳即此已可見其梗概不然都捐實事, 定之意如僅有孤證則引其立言之人若古人又述古人之言則兩引之不可變為已說務使覺者定之意如僅有孤證則引其立言之人。 杠 望而知其所憑者僅一人之紀載而已再如事出傳聞無從證實則應曰『相傳此事如何如何』 虚言而欲刊勒成家彌綸一代登不南轅而北轍哉 史文極則須能與史證相符嚴實是非務使恰如其分如事跡已有二人以上之暗合集確

之史料表裏相符史文與文學之不同卽在於此而且史家爲徵實起見不能不常引成文而文學之史科表裏相符史文與文學之不同卽在於此而且史家爲徵實起見不能不常引成文而文學 之士則每專臘易更張反失本意學者如能多用成文籍明實確紀述貴於宛肖言詞不必經生則 是故優美之史文僅能出諸精通史料長於考證及胸有全題者之手一言一語均當與所憑

於著作之道思過半矣總之敍逃史事以能利用成文爲上蓋撮要轉述決不能存原料之真而割

裂剪裁尤難免有斷章之處

裁茍於事實有關即胥吏文移亦在所必錄否則雖避楊述作亦在所必删不尙文辭期明事 夫史學名著當然非純由聯緩原文而成成文之**執重孰輕應多應寡均當匠心獨運加以別**

歷史與文學之區別非此不明史文與史料之關係非此不密也。

史貴徵實不尙浮談徵實之道除引用成文之外並有自注之一途疏漏之防不嫌太密歷史

則徵材所取之實不數十年當失亡其十之五六使自注之例得行則因拨引所及而得存: 若無憑藉將如性命之空談史家欲顯精能莫若標明其來歷蓋『文史之籍日以繁滋一編刊定, 先 世駿

書之大概因以校正藝文著錄之得失是亦史法之一助也且人心日鴻風氣日變缺文之義:

而附會之習且愈出而愈工焉在官修書惟冀塞貴私門著述苟飾浮名或剽竊成書或因陋就簡。

第九章 著作

八十九

疏密心術之誠偽灼然可見於開卷之頃而風氣可以漸復於質古是又爲益之尤大者也』(章學疏, 使其術稍點皆可幾一時之耳目而著作之道益衰誠得自注以標所去取則見聞之廣狹功力之使其術稍點,

誠文史通義史注)

注腳種類可分為三一為卷數頁數之註明以表史材之所在一為成文之抄錄以明史文之

有憑一為證據之討論以見決斷之謹愼大抵三類之中以第三類注腳爲最少而且最難。

方可以便讀者翻閱原書以斷定著者所述之是否正確若儀說明卷頁之數則每因版本不同, 第一類之注腳僅述卷頁數目驟視似易其實甚難此類注腳一方可以明創輯者取材所自,

手稿則不特何家珍本應加說明即原書外形亦應詳及蓋註明參考不厭求詳總期讀者 無從翻 関故版本多者並應戰明何人刊印何家所濺以免讀者之遍尋無着有時所據原本或係。

君開卷 凯得且著者研究之餘易為存錄他人翻檢力費心勞又何不稍費舉手之勞為讀者謀省, 荷欲 翻

時利 用 也 ij 月以自欺| 不能學者欲示其博聞쏊在著作上刻意經營使讀者恍然有以見其用心於行閒字裏若徒 盆世之學者每有羅列書名不提卷頁徒示淵博無益存參縱存心或不欺人然其無當於日 甚 明吳總之此種注腳之本旨在便讀者之檢查故以明確爲貴欲求明確非有謹慎持久。 而炫人則雖充棟汙牛亦適足以形其淺陋而已矣。

確當旣引原文當以存眞爲上不應割裂剪裁原文字句均應依樣照抄絲毫不茍不然則讀者所。第二類之注腳旣包成文亦明出處其目的在使讀者得以親覽原文藉知著者所述之是否 在表 群注 易獲見之書則採錄 得仍是他人之言不知其面所在至於何時可引原文初無, 明史料填 原文以爲 領會 相, 則應錄原文當原文之意不能絕對確定時尤宜如此如能將成文參入著作之 之助如原文係外國文字則何時應加 成文豬廣聞見或著作之本文太簡讀者不易灼見著者命意之所在, 翻譯, 一成標準大抵手抄媒本爲常人 何時應引 原文亦初 無 定 剫。 則 所不 如意 亦應

鄭九章 著作

中不另附諸注內最爲得計學者宜知。

注腳之難爲者莫過於考訂異同之一類蓋本文所述不盡確實無疑或傳聞異詞未能斷定。

或諸家聚訟應付闕疑所述史事之虛實是非必當與所採史材表裏相應故不特諸家之說應集

何較其得失辨其是非乃用推理能力斷定其其偽司馬光之資治通鑑考異爲著者自注之良模 注中。即著者断定之由亦當詳述注中應先舉各種不同之紀載評其價值之高下明其異意之爲

裴松之之三國志註則爲他人代注之絕作『引諸家之論以辨是非參諸書之說以核譌異』誠

此類注腳中之上乘矣。

為原始或為華生凡經採用均須列舉華生史料要以名著爲歸或依時代而次之或依門類而分為原始或為華生凡經採用均須列舉華生史料要以名著爲歸或依時代而次之或依門類而分 安援著作之義自文其剽竊之私豈非飲水忘源數典忘雅大抵參考書目應包憑藉之書無論其 專門著述宜附參考書名或並須另加附錄蓋前人纂輯具有苦心若引用舊書不著所自是

之均無不可凡撰人名氏書名卷數版本出版之時地等均當一一註明而各書之內容及其優劣,

均應加以簡明之案語。

跡之下岩本文無處安排正宜附諸書後案語之簡要者或入注腳之中或附書目之後如係長矯 撰人不著時代未明之書或虛實未知真僞未辨之作今旣詳加考訂真相大明其重要本不在 美也至於附錄之中應以宋會出版之文稿及圖表討論文字等為主要之材料既入附錄應襲原。 文字則或另加附錄以位置之凡此皆宜慘淡經營護愼從事務使讀者開帙之際一目了然叛爲, 依性質辨其先後有條不紊務使讀者能一 本書籍可依原檔分類並準檔案標題各書必附案語所以使覽者灼然見著者研究之苦心例如 至於原始史料應與孳生者分開而印本抄本亦應分頭羅列各類史料之序次或依筆畫或 覽即得印本書籍可分為公牘信札報紙或筆記等抄

予九章 著作

九十三

文並應估其價值明其意義略加案語以便讀者凡茲所述不過大端略示研究之方未盡史學之。

區區研究之法所能畢專夫。

ļ

妙孟子曰『徒善不足以為政徒法不能以自行』學者欲成歷史專家仍有賴於潛心力學固非。

九十四

第十章 結論

『古之所謂良史者其明必足以周萬物之理其道必足以邇天下之用其智必足以通難知之意其文必足以發聽頭

歷史為物史科是依史料存亡全憑機會史料之爲數有限時間之剝削無窮有減無增日就 之情然後其任可得所稱也」—— 南齊書序

殘缺蓋可斷言矣且『不傳者有部目空存之慨其傳者又有惟求失旨之病與愛惟不齊之數若 可特若不可特若可知若不可知。(章學誠文史通義知難)故史家所能取用之材可謂零蒸彫

第十章 結婚

九十五

九十六

殘之至史學不能日進此實為其主因世之欲藉歷史之研究以推知人類社會之淵源建**設歷史**

哲學之基礎者蓋未管明了史學上之根本困難者也。

售致思者也學者之於前言往行既不能親見親聞則於採用史料之先必事考證之業考證所得 理之學吾人之歷史知識亦非直接之智識乃間接之智識世之以自然科學例史學者蓋於此未 之事實或殘缺不完或散漫無紀補苴釐訂煞費經營追着手編比之際又不能不以已度人以今 古縱能呵成一氣難免有失本真史學如斯遑言定律。 史家搜羅古籍探討舊情每不出諧親見親聞實端賴於前人傳述故歷史非觀察之學乃推

動 乎識事存乎學文存乎才非躐無以斷其襲非學無以練其事非才無以善其文三者各有所近, 經歲 月此歷史研究之所以不能不分工者一也且史所貴者義也所具者事也所憑者文也義 究歷史步驟甚繁史料之蒐羅也僞誤之辨正也義理之推求也事實之斷定也一事之微,

,相為功而反相為病矣此歷史研究之所以不能不分工者二也,人不鑑能兼學者果能咨訪為功方可紹古人絕學若私心自據唯恐名之不自我擅爲則三人不鑑能兼。

於後來之雖然則當時草創者資乎博聞實錄若薰狐南史是也後來經始者貴乎鶴識通 例不拘常而其德為圓(章學誠文史通義曹教下)大抵『書事記言出自當時之簡勒 注藏往似智撰述知來擬神藏往欲其賅備無遺故體有一定而其德爲方知來欲其抉擇去, 固 欲其圓而神記注欲其方以智智以敷往神以知來記注欲前事之不忘撰述欲來者之與 陳壽是也必論其事業前後不同然相須而成其歸一揆」(劉知幾史通史官建置) 大抵 歷史之學必具數家撰述記注蓋其大要前者爲專門之著作後者爲史料之黃 成 7 若班 (删定歸 羅撰述 起。 取放 放記

知己之記注與撰述者各有淵源不可以比次之密而笑撰述之或有所疏比次之整齊而笑撰述 但為記注之業者必知撰述之意所次之材應使撰述者得所憑藉有以恣其縱橫變化又必

十二年一一一一一

固易地而不可為良者也(章氏遺貨報黃大偷先生)從事記注之業者果能謹守縄墨專心 之有所畸輕畸重蓋撰述有如韓信用兵而記注有如蕭何轉飾二者固缺一而不可而其人之才, **徒託空言高談原理雖極精審亦何裨乎。** 之功程從事專門撰述者果能提要鉤元勒成專家之鴻業分途努力相得益彰史學至此然後社 化之性質及其原因方得以大明於斯世而所謂『歷史哲學』者方得卓然有以自存不然,

夜更迭不相一也昨日是而今日非矣今日非而後日又是矣雖使孔夫子復生於今又不知作何, **脊模楷且「人之是非初無定質人之是非人也亦無定論無定質則此是彼非並育而不相害無** 是非者豈其人無是非哉咸以孔子之是非為是非故未當有是非耳夫是非之爭也如歲時然奏 則是此非彼亦並行而不相悖矣前三代無論矣後三代漢唐宋是也中間千百餘年 世人多以歷史效用在於足爲吾人行動之典型此認論也人羣狀況今古不同前言往行難 而獨無

第十二章 新哈

是非而可遽以定本行罰賞哉」(李贄藏書記傳總目前論)居今之世行古之道世人尙知以迁 機之獨 於歷史上之垂訓主義資鑑浮談至今猶膾炙人口未嘗去懷豈非不思之甚 也哉。

歷史所述爲古今社會之變遷及人事之演化吾人藉此得以恍然於人類社會之消長盈虛勢折歷史所述爲古今社會之變遷及人事之演化吾人藉此得以恍然於人類社會之消長盈虛勢折 類習俗不同其來有自對於現代人類殊異之風尚每能深表同情此驅除成見之有益智慧二也。 此研究態度之有益於智慧者一也史上所有之社會交明高下至爲不齊學者研究之餘深知人此研究態度之有益於智慧者一也史上所有之社會交明高下至爲不齊學者研究之餘深知人 研究人類科學者真不以歷史為其入門之坦途其故卽在於此此歷史之效用二也然歷史最大研究人類科學者真不以歷史為其入門之坦途其故卽在於此此歷史之效用二也然歷史最大 直接 之用質在其有培養智慧之功蓋受史法之訓練者輒能週事懷疑悉心考證輕信陋習 窮源竟委博古通今此歷史之效用一也方今社會科學日進無疆然研究雖精迄未完備蓋: :觀察僅能明白現情如欲再進而知其趨向之方悉其演化之迹則非有歷史研究不可近世 歷 史為說明現狀由來之學學者果能對於已往陳迩多所會心則對於當代情形必能 藉以: 革除。 花事 了解。

九十九

必至革新改善理有固然此努力進步之有益於智慧三也凡此皆研究歷史之益也至於多融前。 言往行尤其次焉者耳世之作史及禳史者其亦以一得之愚爲可採否乎?

百